

潛江縣志卷之十八

知縣事劉煥纂修

知縣事史致謨續纂

人物志

女貞

寓賢

方技

緇黃

女貞傳

自姆氏之職不立而婦道亦替矣女子處閨閣之中非有詩書之漸摩師友之講習而孝節之事率舉而責之一身甚且名譽未彰非議隨起何天之賦之者既卑而人之督之者更嚴與蓋女子所爲極難耳處

潛江縣志

卷十八

人物志  
女貞傳

一

富貴而清白自矢猶曰有所慕而爲善至僻壤單赤  
紆績以給釜盎乃蓮泛於渠蟬沃於露堅忍之性冷  
泠冰雪而偶蹈不測或從容以畢志或慷慨以殞身  
有學士大夫所徘徊卻步而不肯爲者一女子毅然  
爲之而皆有當於綱常倫彝之重夫豈可學而致之  
者哉嗟乎兵燹之際天之至性鍾於巾幗幽貞女士  
湮沒無聞者不知凡幾茲於名家巨族耳目之者  
悉載無遺而窮簷蔀屋之子尤加詳焉無使天地之  
春獨斲於寒谷也作女貞傳

明

高氏

高氏朱進妻幼通孝經其舅朱真任廣東英德縣令同夫隨侍舅姑高年二十生二子隆方二歲盛方六日舅姑與夫俱亡高氏扶三喪歸里以禮安厝孀居六十餘年八十卒

弘治舊志

柳氏

柳氏李本溶妻年十九生子琇二歲珺甫三月而夫亡柳閉門紡績織紵以為生業父母憐其年少子幼逼之

潛江縣志

卷十八

人物志  
女貞傳

二

再適乃奮然投水隣人奔救得不死遂以節壽終

弘治舊志

朱氏

朱氏邑增庠生謝賢妻年二十三生子珪二歲夫亡先是夫與兄弟索居父母憐其子幼家貧既與諸叔同居令其再嫁朱氏泣抱子曰若為我計得矣如此孤何不若抱之投河則母子俱安父母不復強乃撫子立家以

全其節

弘治舊志

蔣氏

蔣氏梁宣文妻文病卒蔣年二十六遺孤兩月誓無他

志富鄰厚賄其舅欲強娶蔣聞抱子赴河幾不救遭舅  
姑喪負土成墳鄉里憐之家貧常不給族人或以再適  
勸者蔣翦髮斷葷自是不敢復言隆慶三年漢水夜漲  
鄰舍皆陷獨蔣居無恙晨起亟遷始陷萬曆二十一年  
奉旨旌表

萬曆舊志

### 胡氏

胡氏邑庠生劉堪字草塘妻麻哈刺史胡公拱明女御  
史公鑰姊也夫亡無子泣血勺水不入口者旬日舅工  
部劉公勲曰如吾老而夫弟稚何勉起營葬夫畢結廬

### 潛江縣志

#### 卷十八

人物志  
女貞傳

三

墓左歲一再歸省時兩叔垓埏方在襁褓胡撫育如子  
後垓成進士官督學埏補太學生皆敬事之如母家訓  
雍穆嚴不敢渝會漢水汜濫塋圍如孟負畚鍤障之竟  
弗潰隣火弗戒叩哭呼天颿返焰熄歲饑盜起家人勸  
且歸避胡曰吾貧老嫠也卽不測正吾死所何避爲邑  
侯上其事直指趙公題請萬曆二十二年奉勅建坊表  
爲貞節之門胡北面叩首呼萬歲曰婦職爾敢如帝命  
叩已益哭無聲嘔血委頓亟呼弟垓爲志其壙志畢令  
讀一過首肯而逝壽八十甥進士參政李之睥表其墓

石 萬曆舊志

李氏

李氏初薦妻年十七適薦甫四月薦亡無子倚喪痛哭數日不食誓死以殉姑泣勸曰婦誠烈獨不念吾老曷依唯有俱死爾遂勉起奉姑別處一室自伏臘拜姑外病卧不起食動經旬月族里驚異以爲神人姊妹行有夜叩訪者李曰寡婦門夜何來閉不許見守節二十年如一日萬曆七年病革謂姑曰吾事畢矣姑奈何哽咽而絕闔邑哀之無貴賤少長咸造奠焉萬曆二十六年

潛江縣志

卷十八

人物志  
女貞傳

四

奉旨旌其門

萬曆舊志

陳氏

陳氏諸生方應奎妻年十七歸應奎生二子曜照奎亡陳哀毀以死自矢父母憐其少微諷之陳引刀割面得以自全後曜列膠庠孫盛舉於鄉年七十八卒

萬曆舊志

郭氏

郭氏主簿之垣女年十九適郢諸生曾士文三年士文卒郭水漿不入口哀毀骨立既葬復哭其父慟絕粒卒

年二十二

萬曆舊志

張氏

張氏戶部夔女徵君承宇姊武英殿中書郭鏘之妻年二十八鏘卒張哀痛誓從姑慰以撫幼子爲夫存後遂強起無何子復天母劉宜人接之歸家張謂其父戶部公曰婿在日不接而亡後獨接之不厭煩者豈欲我嫁人耶我無子而不卽死以無與終三年喪者耳因持斧破一玉硯曰此硯若合則我亦當再嫁服將闋張乃擇期禮殯先數日自題雙主謝其家人不食而死發其笥凡斂服皆鏘舊衣手自改製者萬歷中有司請於朝建潛江縣志

卷十八

人物志  
女貞傳

五

坊旌其門葬南城外馬市潭承宇過亡姊郭貞婦墓詩云別去人間十八年墓門肅肅草芊芊枯枝落葉填荒徑澹日寒風湊野烟烈女一書曾暗誦高名百代共誰傳雙雙兄弟行行淚涕泣貞魂問九泉

戴氏

戴氏孝廉劉貞吉繼室漢中太守應同長婦也貞吉卒戴年甫十九一子夭矢志不二嚴整閨範躬率兩婢績紡內言不出於閫叔昌吉詩有夜哭亡兒晝哭夫城爲崩盡海爲枯之句病劇強起延昌吉入陳布縷若干箱

泣告曰某不幸所得面翁姑夫君泉下者正賴此耳我生雖窘不敢以市粟爲人衣被之也今且死願以是作佛事言訖遂終年三十六

### 魏氏

魏氏偉之女文學張佺妻年十六適佺二十二而寡生子延和甫三歲魏痛佺之亡號泣絕粒瀕死者數四時堂上姑趙姑韓亦早孀婉慰之曰吾兩人向唯不輕死乃能撫爾夫今汝決一死豈忍斬夫祀乎死固無益於張氏也魏卽起嚙指血洒靈牀誓曰吾今而承夫之志

### 潛江縣志

#### 卷十八

人物志  
女貞傳

#### 六

矣有不善事而母教育而孤貽而泉下憾者有如此日嗣是外侮內患疊至魏悉爲潛消課讀督耕五十年如一日子延和童年補諸生孫旦生康熙丙午舉人授大成知縣張之家聲墜而復振者魏氏力也趙韓兩姑亦俱有奇節焉

### 周貞

周貞者女貞也父之德襄陽人以貞字吳門李樸第五子夢昌年十餘早夭貞雖歸李尚未及笄哀號觸棺欲自絕姑知其誓死防之甚密且徐解之曰汝年少何

得以未字故棄生貞曰女自分相隨地下卽如姑言願  
終身稱未亡人事舅姑以畢泉下人志後貞以母病歸  
寧會闖賊破襄城貞遂與弟頌孫相依避地來潛賃居  
茅舍僅足容膝日惟誦經禮佛而已貞年四十二忽病  
革強起解衣出夫木主并遙設翁姑位再拜而卒葬於  
城南之泰豐院邑進士向大觀爲之立石

### 廖氏

廖氏盱眙知縣歐陽燧妻崇禎癸未正月與夫燧同日  
死賊詳載忠烈傳

### 潛江縣志

#### 卷十八

人物志  
女貞傳

七

### 郭氏

郭氏里民郭表之女太學生劉采之繼室郭幼適采不  
數年而寡持操堅苦矢志不二撫嫡子肇國信國教育  
無異己子後肇國官翰林學士信國官臨桂知縣敬養  
亦無異所生郭霜操四十餘年 憲司俱給粟帛旌獎

### 歐陽氏

歐陽氏文學歐陽熾之女幼時能記前身爲北關賣漿  
家子背誦塾師所誦書如流父及諸父吏部公每課之  
以爲歡詫至十歲則不復記矣長適莫文學若芝之子

一杜甲申春流寇掠沔村人盡逃一杜父老且醉去獨後得小舫僅容兩三人一杜強掖父入舟呼婦與俱婦曰舟狹且翁處其中吾寧守禮而死耳父既渡一杜復牽舟上岸負書篋及襪被婦攜女抱子倉皇走爲賊騎所及一杜被殺欲繫婦污之婦奮起痛哭大罵曰吾名家女當危時尚不肯與翁同舟肯近汝狗賊乎今日賊牽吾臂卽斷吾臂賊識吾面卽剗吾面復何言賊大怒磔殺之

劉氏

潛江縣志

卷十八

人物志  
女貞傳

八

劉氏前志節傳內柴孕蓼之妻蓼以募鄉勇禦寇致命氏亦被掠聞蓼遇害誓從地下賊豔之曲誘百端欲移其志迫之而襟帶百結縫紉甚固刼以威卽引領受死賊怒甚以亂石槌擊解其尸

余季貞

以下

國朝

余季貞邑長安鄉民余嗣修之女生而淑慧動止嚴正年十六許聘廩庠生劉儻之子行秋締姻後行秋未登余氏之堂忽嬰羸疾踰年而卒使告凶於余時貞方食竊聽投筯而起意不欲生然無幾微見於色聞其母詰



得棺狀徐曰病久大累父母止宜如是棺耳若恨其薄然既而挈其幼姪女調之曰某兒來吾且抱汝他日勿復望吾抱汝矣家人卒無能喻其意者貞沐浴更衣再拜中堂夜闌伺母熟寢入房反扃戶自經以殉距聞行秋訃後死纔數刻而已嗚呼季貞不識其夫而甘爲夫死從容就義斯亦曠世奇烈哉里人請於前邑侯詳報憲司批允有案復合詞列其實請於邑侯清澗劉公候詳請 題旌

朱氏

潛江縣志

卷十八

人物志  
女貞傳

九

朱氏邑文學朱之登女年十六適景陵庠生涂士亮越二年亮卒朱年十九遺腹生子紹衣有欲奪其志者朱曰飢餓而死死不辱若攜孤再醮不惟鬼神譴責寧不辱我家聲耶守志不渝撫紹衣亦克有家焉

魏氏

魏氏處士莫若智之生母進士與先之大母也魏以十八歸莫生若智四十稱未亡人時智年甫十七出入家督綜之條致貧窶又十年與先生而釜萁速訟家亦落齷居河壩市廛間智受童子書魏昕夕課孫若塾師尋

行數墨稍齟齬蹇吃必泣而答之與先年十三補弟子員魏訓其子智曰吾辛苦緝繹易餅餌啖孫寧望其有立今若此庶將售爾父賚志倘不釋憾思不爾福智跪而受教家難以紓賢哉魏母一語養兄弟之和凝子孫之福豈尋常巾幗所能企哉迨與先順治戊戌成進士智棄世已二十年魏年九十有五捷書至未嘗色喜惟焚香禮拜泣謝泉下人而已翌年寢疾與先進藥餌魏笑曰爾必欲吾年幾何而後已卒之日方盛暑忽涼風四起含笑而逝鄉人稱謂百歲媪云聞之浮屠氏屬續潛江縣志

卷十八

人物志  
女貞傳

十

而發歡喜容者其人當生天以魏生平驗之未爲謾說也

朱氏

朱氏文學朱士高女襁褓許聘劉理及長理故侏儒而髑蹙膝攣見者以爲嬉父母姑舅咸欲以他女易之朱曰彼獨非人子乎若爲此是教我以不義而貽我以不安也適劉後事夫以敬奉舅姑以孝克稱婦職里人稱朱德性有大過人者康熙甲辰西山之役理鬻匱具盡且賣其媵婢朱不忍分袂理奮挺一擊中其腰脇而死

嗟乎一賢女子而福不與德齊豈非天哉

### 鄭氏

鄭氏下東鄉醫士王正善子全壽妻也姑張氏病篤泣  
顛身代侍湯藥數十日不倦姑竟不起鄭哭踊哀痛不  
食而死葬之日羣鳥悲鳴集墓里人士以爲孝感鄭氏  
有子四恬怡恪恂恬妻梅氏年十六歸恬甫二月恬亡  
欲以身殉姑曲爲慰勉梅誓死茹苦擇立其姪撫育訓  
課以爲夫後節孝相繼有家型焉

### 歐陽氏

潛江縣志

卷十八

人物志  
女貞傳

十一

歐陽氏許應知妻也應知爲副使都之子嗜學工文食  
餼公卒僅遺庶子懋祖在襁褓中氏矢志存孤顧復鞠  
育風雨綢繆備極苦辛懋祖性端厚周謹寢膳問視倍  
於所生許之家學不替箕裘克振歐陽氏有功焉懋祖  
以歲貢士授武昌縣訓導檄至母老且病懋祖卽陳情  
辭職侍養以母節賢顛請 題旌給金建坊踰年而母  
逝懋祖亦哀傷致疾尋卒母慈子孝堪爲坊表明永樂  
間陳叔達徵至京師懇辭養母上不能強賜宴禮部號  
眞趨居士懋祖孝養嫡母尤足多焉孫蓀曾蓀詢蓀衡

俱太學生

葉氏

葉氏聞喜令劉珏貳室也珏中年艱於嗣順治甲午以歲貢士應身言書判試得上等謁選京師娶金華葉天庸女偕之任生子遴俊連俊尋隨珏解組歸里見其嫡戴氏敬事如姑不敢與均茵憑戴甚暱之未幾珏卒葉年二十九所生二子一七齡一五齡葉矢同戴勵志苦節珏固清貧僅有瘠產數百畝頻沒於漢又值軍興徭重患侮疊至戴老病不能支悉以家政委葉嚙蘖盡瘁潛江縣志

卷十八

人物志  
女貞傳

十二

持門戶營衣食奉戴恭謹無間言課子讀書雖播遷弗輟業考劉氏家譜論贊於氏有家既貧而教子彌勤年猶少而守節維堅之語宗族之稱徵其實已年四十一卒子遴俊早夭連俊能砥行自立有文譽

歐陽氏

歐陽氏邑庠生歐陽炗女文學朱士準之妻準卒氏年二十五擗踊昏地幾絕其姑郭太孺人救之甦遂裂膚墜指誓死撫二孤兒持哲以針績所獲奉堂上甘旨貧不能爲子延師乃自課發其童蒙二子先後有聲黌序

母劉老無所依氏奉養終身拮据治其殮葬叔翰林庶常士冲早歿無嗣氏命次子哲爲之後且語哲曰吾不忍爾叔父乏祀命爾承祧爾叔父所遺悉與眾共勿利所有古賢婦義行何以加焉冰操五十五年壽八十卒

陳氏

陳氏峗坑妻文學宿吉母舉人元傑之大母也邑明經歐陽錫疇傳略曰錫疇師事我峗夫子匪莪先生得請問太師母行實甚悉母年十六歸我太夫子仰臺翁諱坑翁素抗直母事之相莊無間翁復好交與賓至開樽

潛江縣志

卷十八

人物志  
女貞傳

十三

設俎絡繹簾屏母未嘗以恥罄聞於翁母儉約自持相翁支門戶十餘年翁三十不祿母年才二十八爾時先生甫成童母治喪畢拊膺慟曰吾何惜隨夫子於地下奈此孤兒何遂矢志柏舟紡績課讀未嘗以飢寒告輟先生以德行文學重於鄉邦母玉之於成者素矣無何師母鄭早殞母百策杖梧爲先生續配師母胡以共晨夕先生無尺寸土惟藉訓習諸生博脰脯供甘旨母享之陶陶然樂也順治庚寅母寢疾詔先生訣曰適見而父云新成一第攜卿偕處我往踐同穴之盟矣遂逝廣

文方師誨進士爲之誅後二十年庚戌先生棄世師母胡亦貧苦勵志撫子元傑伯仲成立目擊元傑登康熙辛酉賢書其貞德與大母嗣徽於戲斯亦人倫之典型哉

### 孫氏

孫氏楊士學之妻江陵貢士孫國光女十八歸楊越九載而夫故父母欲奪其志孫跪泣曰髦年二老溫清無人惇惇三孫尚在襁褓兩世一身私恩其可徇乎迫之再孫不敢爭但書其主之左曰未亡人孫氏以明其志

### 潛江縣志

#### 卷十八

人物志  
女貞傳

十四

無何長子舅氏相繼亡孫備衣冠營墳墓聞者無不悲歎姑老疾不能自食孫以口哺之姑卒拮据營葬極哀盡禮二子成童訓以義方咸能克承先業卒年八十九閭里私謚謂孝貞焉

### 彭氏

彭氏文學周廷杓之妻杓逝彭年二十二老姑賀氏七十餘當賊氛四起彭奉姑遠避湖野賊騎突至彭奮然率僮僕禦擊脫姑鋒鏑有兩孤兒長瑾三歲次珠甫一歲彭守貞耐窶困教育有成瑾列名膠庠後彭屢集諸

昆季若光祚若琚若瓊若燦若郟輩與瑾課菽呈其伯父保寧公評次優劣尤於和丸畫荻之風有合焉

### 謝氏

謝氏河間令劉賓國季子文學飲妻邑庠生謝振女二十五歲而寡遺四孤茹苦歷辛撫育以次成立姑病嘗籲天求代歿哭絕食隣里聞而賢之性復喜施予而飭身教家以禮儉窮年不踰閥限雖近屬私親罕有覲其面者年六十卒振二女一適劉玕一適飲俱早寡貞潔自完鄉閭稱爲謝雙節云

### 潛江縣志

#### 卷十八

人物志  
女貞傳

十五

### 龔氏

龔氏邑庠生劉念國妻貢士龔哀女衡山訓導雲官之姊也哀行誼著於鄉女夙秉家教長適念國氏十九而夫死子偲在襁褓氏截耳自誓蠶績課子其子亦雅率母訓補弟子員亡何子死氏拘兩孫哭於廟所供大士感而淚下羣烏集屋悲號口盡血出死者十數未幾兩孫復相繼天氏仰天泣曰氏所以不死爲劉氏宗祧計耳今已矣如夫與子廬墓何乃毅然擇族子之賢爲後康熙元年十一月里人以氏苦節請表於上前分守荆

西參政王公批詳有貞婦之難不難於始終從一而難於常變弗更尤不難於慷慨以殉而難於從容濟事龔氏矢志松筠至天欲奪之而終不能奪人欲散之而終不能散氏非株守婦節者也應給額免徭以示風勵之褒三十二年氏年八十有二里人復請於邑侯清澗劉公候詳旌卹

朱氏

朱氏文學朱紱女京山庠生鄒官妻官早逝氏年二十九有三孤長五歲次三歲季甫二月耳氏苦持婦節以

潛江縣志

卷十八

人物志  
女貞傳

十六

躬紆督耕贍衣食所居河北蒲潭窪渚災荒之區重困徭賦氏竭蹶供輸擇師課子成立長思孔鄖陽廩庠次希孔太學生季宗孔補邑庠氏六十郡邑諸大夫與里中聞人皆爲詩歌以嘉其節壽當陽進士楊州彥絕句云留身原爲此諸孤羅拜衣冠哺就雛萬有一千百六夜寒燈何夜不啼烏其從祖明經朱士尊長律云隋峯矗矗鐵錚錚庭列三株瑞靄橫夜永授書還伴織春明課圃更催耕女師不黍文公族齊聖咸傳仇氏甥苦歷歲時臻甲子待看銀管注芳名尤爲紀實焉

後奉



旨旌表入節孝祠

陳氏

陳氏西河令陳世第女文學劉條妻氏幼時能讀孝經  
曉大義歸劉見其夫爲世家子多侍姬處之豁然壺以  
內有雍肅之風焉氏生子不育其妾朱氏生一子氏撫  
愛若己出條遠遊卒于途次氏年二十四得凶問投繯  
欲殉爲婢妾救免妾所生子旋夭氏節操益勵父憐而  
接之歸膳以成其志每逢伏臘及舅姑亡夫生忌出紡  
績所蓄設饌哭薦盡禮康熙三十二年邑人士公請表

潛江縣志

卷十八

人物志  
女貞傳

十七

揚

謝氏

謝氏邑庠生劉玕妻謝振女十七歸劉十九夫喪子僅  
三月氏翦髮誓死撫孤無何子亡兩月之孫繼天氏不  
忍劉氏無後遂告族告廟立姪以承夫祧氏苦節五十  
餘年今七十三矣劉氏家譜中有家貧守節之稱

李氏

李氏邑廩庠江自岷妻自岷善制菽有聲諸生中早卒  
遺三歲孤士顯氏堅操儉勤備歷艱苦課顯名列膠庠

年七十五始終如一日云

朱氏

朱氏鄖庠生黃石安妻石安年二十三卒氏有子縮朱  
紱朱尚在襁褓矢志哺孤以報泉下未幾兩子繼天氏  
號泣曰我不卽從夫地下者以此兩孤耳今復何望唯  
一死以畢吾願家人防之密因曰爾輩以吾子亡而可  
易吾念耶吾素秉父兄之訓頗諳禮義無子守節此正  
經也乃引錐刺兩耳墮聰毀容足不踰閥構廬夫墓之  
右辛苦以奉祭祀宗族鄉黨咸爲歎異以其狀聞於邑  
潛江縣志

卷十八

人物志  
女貞傳

十八

侯清澗劉公彙詳請旌氏爲甲午明經朱士尊次女松  
筠貞操蓋有家學焉

隗氏

隗氏邑廩庠劉慘妻年十九慘逝一子甫周姑老勸其  
服喪後他適隗截髮斷指誓以不渝閉戶力女紅事姑  
曲盡孝敬孀居三十餘年貞操著於鄉

聶氏

聶氏年十九爲李思孝妻越四載夫亡灑血自矢奉孀  
姑育乳嬰撫夫齟齒諸弟屏華甘素守婦節甚貞里人

稱之

李氏

李氏邑庠生廖灼妻灼早卒生子晉升晉琦尚幼灼父成仁撫二子謂氏能終守此瑩瑩乎氏涕泣曰生爲廖氏婦死爲廖氏鬼舍廖安適堅操苦志課升游泮琦亦各有家其舅以老廢疾不良於動履十餘年氏視問始終無倦鄉里以節孝聞於邑侯請獎勸存卹之

曾氏

曾氏生員張昌琳之妻

此以下皆補

潛江縣志

卷十八

人物志  
女貞傳

十九

鄒氏

鄒氏董玖儒之妻生員董維傑之母

袁氏

袁氏生員鄭孝中之妻二十歲夫亡矢志守節績紡以供公姑遺腹子袋入庠

楊氏

楊氏太學生張尚榮妻榮卒子玠甫歲餘舅姑早逝祖姑易氏八十僅存氏痛幼孤靡托祖姑無依矢志堅守針績營度供祖姑甘旨祖姑病甚氏衣不解帶躬慎湯

藥嘗糞卜生及終氏殮葬盡禮子玠舉人竹山教諭

王氏

王生員張承寧之妻寧卒氏矢志柏舟逮事舅姑年皆九十有奇每寢疾必躬必親雖臧獲不以貸也先寧卒時生子先會甫五齡事事胥以規矩及就外傅不惜金貲以延名儒後會得邀歲薦蓋氏之力居多焉乾隆二年奉 旨旌表建坊

謝氏

謝生員歐陽蕢妻氏奉侍孀姑曲盡孝道訓育孤子

潛江縣志

卷十八

人物志  
女貞傳

二十

嚴慈備至不減畫荻高風子賓由明經授宜昌府訓導再任監利學博欣逢地封復蒙 旌表

劉氏

劉氏張蘭生之妻事姑克孝教子義方張先拱有傳

郭氏

郭生員黃開祐之妻武舉黃瑑之母

許氏

許氏儒童鄒時顯之妻

章氏

章氏生員李枝英之妻也年十七歸李孝事舅姑敬相  
夫子枝英嬰疾三載氏侍藥餌衣不解帶溫涼必先嘗  
夫病篤虔禱大士願以身代及夫亡哀痛幾絕是夜屏  
棄家人獨伴夫柩且命老僕檢夫書籍筆墨云係夫素  
所珍重者舅姑好爲收貯次晨歸房門扇未掩遂自經  
死嗚乎氏不作未亡人矢志篤矣其從容就義斯亦曠  
世奇烈哉戶隣據事 上聞奉

旨給金建坊

雙氏

潛江縣志

卷十八

人物志  
女貞傳

二十一

雙氏儒童田曰臣之妻年二十八而寡躬親績紡奉養  
舅姑舅沒氏盡哀盡禮以代夫職姑病篤幾絕氏虔誠  
拜禱請以身代姑甦向氏言曰予夢神感汝虔誠賜予  
壽三載姑果歷三載而後卒氏夫兄嫂早逝遺姪傳儒  
氏教養婚娶無異己子氏居鄉村左右累遭火變惟氏  
室安堵無恐人皆謂爲節孝之所感也

鄒氏

鄒氏謝知琫之妻年十九歸琫閱六載知琫故先是氏  
夫卧病歲比不登氏典簪珥躬績紡奉舅姑甘旨及夫

湯藥迨夫繼舅姑云亡氏疊治三喪哀禮兼備茹蘖飲冰數十年如一日卒教其子欽成立年踰古稀目擊三代乾隆十六年十二月內

欽賜清標彤管表宅旌褒云

鄒氏

鄒氏何子章之妻十九歲歸何方十月夫亡苦節四十餘載

李氏

李氏儒童鄭再玉之妻夫亡在外殉節自縊前邑侯朱

潛江縣志

卷十八

人物志  
女貞傳

二十二

撰賜貞節碑文

王大姑

王大姑王天章之女許字高起蛟方納幣而起蛟沒遂自縊殉節

歐陽氏

歐陽氏劉元瑄之妻

陳氏

氏陳公鄉飲賓一瓊之女太學生康邦珽之妻也少適邦珽事公與繼姑極得懽心甫六年邦珽歿遺孤以安

氏年二十有五哀慟絕粒舅姑以己老子幼泣慰之始進食嗣後孝愈加教子寧嚴勿慈迨以安貢入國雍課子奉親不懈雍正丁未歲祲氏罄簪珥內娛雙老外周族戚不辭勞瘁邑侯杜公據輿論贊曰青年矢志白首完貞孝事舅姑既以婦職而盡子職撫孤成立更以母道而兼父道噫如氏者其節孝豈可沒耶

李氏

氏舉人張玠之妻也伊姑楊氏少以節著蒙恩建坊入祠氏歸張門雅得婦道夫沒家貧氏以紡績供甘旨撫幼子不幸子又夭亡氏奉姑益謹姑沒復竭力喪葬不惟慰死者於地下而姑媳後先輝映可謂繼美者矣

郭氏

氏文學郭邦榮之女儒童黃士宗之妻也青年守節教子成名宗族稱其賢鄉黨頌其德尤節婦中之矯矯者洵堪傳世永爲模楷

袁氏

袁氏鄧茂枝之妻

余氏

余氏陳治之妻

熊氏

熊氏郭春洛之妻

郭氏

郭氏生員孫金之妻

蘇氏

蘇氏孫遂之妻

劉氏

劉氏莫其潮之妻

潛江縣志

卷十八

人物志  
女貞傳

二十四

劉氏

劉氏蕭文煒之妻

楊氏

楊氏張瑤之妻

陳氏

陳氏庠生吳昌龍之妻

張氏

張氏舉人何子釗之妻

劉氏



劉氏莫家檣之妻

蔡氏

蔡氏朱宏之妻苦節四十二年

夏氏

夏氏劉暹俊之妻苦節四十二年

舒氏

舒氏劉心注之妻邑廩生劉雲行嗣母苦節三十六年

李氏

李氏庠生衛仕俸之妻

潛江縣志

卷十八

人物志  
女貞傳

二十五

李氏

李氏劉行俊之妻十八歲夫亡苦節三十載值漢江大漲行人浪傳行俊墓衝決水大不能詳詢氏號泣自縊

盧氏

盧氏劉恬之妻

劉氏

劉氏貢生吳善匯之妻

嚴氏

嚴氏吳之欄之妻

余孟媛

余孟媛監生余圻之女許字吳欽臣將婚臣亡孟媛投繯自縊

程大姑

程大姑邑廩生程溶之女許字儒童蔡明益明益没矢志歸蔡奉養公姑十餘年公姑没女病不食而死論曰歷觀女貞或出自閥閱或起自窮簷至有感異鳥退河伯返風產泉之應何天人之相召與蓋危急存亡之際叩頭伏地流血呼號唯恐天不聞也謂天

潛江縣志

卷十八

人物志  
女貞傳

二十六

蓋高既聞之矣求死得死此固一輕生者優爲之乃天不輕予以一死必試之諸艱之中鍊以耆頤之壽百折不回蓋棺論定而正氣始可長存於天壤焉昔之霜操奇烈聞於

朝詔旌其門姓氏固已垂金石而懸日月矣後來幽貞潛節列狀請於有司標榜以揚之 題旌有待者何惜大書褒嘉勵其終以興起其後見盛世風化之美哉

寓賢傳

古之君子達觀海宇迹其所居令名垂焉丈夫生而  
有志四方鄉曲之見詎足以限之哉或以宦遊或以  
避地或愛土風之美名賢萃止流風餘韻歷百世猶  
將景慕之矣作寓賢傳

元

姚燧

姚燧柳城人至正十七年除漢中道提刑副使補山南  
湖北道經遊潛境曰此地風淳俗厚可以卜築遂家焉  
建藏書樓日著述其間有白鶴巢於上因名其樓曰白

潛江縣志

卷十八

人物志  
寓賢傳

二十七

鶴樓

一統志載樓在縣北今爲白鶴書院

元史傳曰燧字端甫三歲而孤

育於伯父樞謂燧蒙暗教督甚急燧不能堪楊奐馳書  
止之曰令器也長自有成爾何以急爲且許醮以女年  
十三見許衡于蘇門十八學于長安二十四始讀韓退  
之文試習爲之人謂有作者風稍就正于衡衡亦賞其  
詞三十八始爲秦王府文學未幾授奉議大夫兼提舉  
陝西四川中路等學校至元十七年除陝西漢中道提  
刑按察司副使調山南湖北道按部澧州二十三年自  
湖北奉旨趨朝明年爲翰林直學士二十七年授大司

農丞元貞元年以翰林學士召修世祖實錄燧與侍讀高道凝總裁之書成大德五年授中憲大夫江東廉訪使移病太平九年拜中奉大夫江西行省參知政事至大五年仁宗居藩邸開宮師府燧年已七十遣正字呂洙如漢徵四皓故事起燧爲太子賓客旋除承旨學士又拜太子少傅燧拜辭明年授榮祿大夫翰林學士承旨知制誥兼修國史四年得告南歸卒于家年七十六諡曰文燧之學有得于許衡爲文有西漢風宋末弊習爲之一變蓋自延祐以來文學大匠莫能先之當時孝

潛江縣志

卷十八

人物志  
寓賢傳

二十八

子順孫欲發揮其先德必得燧文始可傳信其不得者以爲愧恥每來謁文必其行業可嘉然後許可否則弗易得也生平所著有牧菴文集五十卷子三壩圻城明

### 劉安行

劉安行字澹持號勉及襄陽人萬曆己未進士性廉介骨鯁不苟同俗初知河南登豐縣以清官第一擢吏科都給事中崇禎庚辰避流寇亂來居潛之南郊時有言坊行表之譽子爻字伯前八歲能文舉神童長極淹博

以文學名

徐懌

徐懌字適之別號酣道人景陵中丞成位孫工草書善畫卜築河濱有古好遯之意焉邑文學謝國玉過適之新居詩削盡浮名悟此生野花深處聽啼鶯支筇獨往寧余在隱几無言共爾情道氣已分川嶽勢幽懷猶愧菊松清南華數卷供吟賞門館蕭蕭未易輕可以見風神瀟灑之概矣

陳其美 以下 國朝

潛江縣志

卷十八

人物志  
寓賢傳

二十九

陳其美字公彥號靜菴當陽人崇禎壬午舉人順治壬辰進士嗜學通經術力持古道厭浮薄綺靡之習明季闖賊圍當陽急其美諸生時首倡義率眾拒守城賴以完卽以是年獲雋未幾賊再至城陷欲羅授僞職以匿得免會有土寇周國有聚眾殺掠其美謁兵巡石公請勦問道走潛江尋討平之傷故鄉殘破遂家於潛成進士後又四年丙申授處州推官平恕宅心理獄必徐察情僞以期明允而剔奸釐弊不稍優容郡以寧一伐木開道以通駐防置浮梁以便商旅臺使交稱其賢薦剡

三上將膺不次之擢忽以疾卒子大佐歲貢士訓導大佑廩庠生孫士敬太學生士枚士敕俱廩庠生

### 周頌孫

周頌孫字念祖襄陽人避流寇亂結茅泰豐河曲奉貞姊教授自贍篤行力學有人師之稱以歲貢士署江夏訓導遷郴州學正擢昌化知縣

### 魏繩德

魏繩德字又成沅陵人僑居東郊喜吟詩逃禪嘗乘一舸往來江漢間挈家渡洞庭終老焉

## 潛江縣志

### 卷十八

人物志  
寓賢傳

三十

論曰乾坤一逆旅今古此過客何地非主又何地非賓乎晦翁曰自有此宇宙已有此溪山還有此佳客否先賢自姚文公後高賢賁止半由避地潛雖僻壤亦足徵樂土矣

### 方伎傳

范曄東漢書方伎傳論曰漢自武帝頗好方術天下懷協道藝之士莫不負策抵掌順風而屆焉按史所載兩漢士大夫明方術善伎藝而在士途有至大官者如衛綰周仁虞邱壽王則假方術以進而非他有

文行以取顯貴者也如李邵樊英之徒則雖善方術而本不假此以進身取位者也考東漢書方伎傳所載終身肥遯不求聞達者甚多蓋其賢士也然能以一技自名而弗爲干名徇利之階亦可謂賢矣作方伎傳

明

彭鳳淮

彭鳳淮字芝山江西人明萬曆初來家於潛世精堪輿著有地理直指四卷行世年八十餘步履如飛相人古

潛江縣志

卷十八

人物志  
方伎傳

三十一

墓言其家世歷歷不爽人謂鳳淮雖箕裘亦有異授信然子健元孫周鑄俱邑庠能得其家學健元年亦八十矣曾應撫軍中丞董公聘一至都下聲譽益盛方伯徐公惺贈以詩三楚有異人山川毓靈粹鬚髮尚未衰隱居而讀易潛沱溪上居半畝聊可庇衡泌日棲遲技術非其志聞之蓋有年高賢或吾避今夏一往招杖履翩然至世事如浮塵何足爲君試聊以燕雀安爲予風雨意君言本古初竹策宛在笥古之箕穎流質樸良可企從來明理人曠觀在天地蓋於健元生平最悉云

國朝

康正吉

康正吉原名元吉字康山邑人少補荆門州庠生順治十五年戊戌

召天下明堪輿者相視

陵寢正吉應舉赴

闕下考選異等授欽天監相度一時王侯將相爭禮之康熙元年壬寅奉

命視鳳台山明年二月封鳳台爲昌瑞山六月六日

潛江縣志

卷十八

人物志  
方伎傳

三十二

孝陵葬畢假歸十三年甲寅

仁孝皇后崩再被

召入 都

賜食六品俸 賜袍帽相視 昌瑞東山

上親詣定造

仁孝皇后地宮十七年戊午大工告成議序以同知用仍

賜銀緞十八年己未除山西太原府西路偏關同知遷

直隸保定府知府在任三年以疾辭歸年七十二卒



子玉知縣珏玠孫滋俱監生

游文瓏張鳳鳴

游文瓏字雲卿以堪輿名子宸字瞻紫尤能讀書好問所著有地理蠡測一卷張鳳鳴字瑞之子德政字惠公皆能以堪輿世其傳

李光先萬天鑑萬天錫

李光先子庠生廷奇孫郁陽九世業醫萬天鑑天錫俱五世業醫聞古用醫必選姓名之後非仁愛不可托非聰明達理不可任非廉潔淳良不可信如數人者斯亦

潛江縣志

卷十八

人物志  
方伎傳

三十三

近之

戴笠

戴笠字簞雲景陵高士南堂翁祁其從父也多材藝工作真隸篆書嘗爲郡太守馬公所賞客京師數載歸其學益進年七十一卒

謝封

謝封字遜臣約志勤學工繪事於終南進士圖尤佳其臨摹前人筆真贗幾莫能辨明邑侯訥菴羅公沔州守于野章公頗相雅重封好吟詩有端居草堂繡林齋諸

稿盈笥累牘非所長也終以畫名

### 萬國諫

萬國諫字蓋卿精易學占決最驗日惟以操縵自娛久而得其神理人咸以爲師因自號江上琴隱年九十卒李書城貺過蓋卿故居詩云月陰松影翠如鬢憶聽仙翁指上閑操罷不知何處去祇今流水咽高山朱石戶士尊題詞曰予老友萬蓋卿少篤於學矚然物外雖藜藿不充弗計也惟怡情花木棋酒而於安絃尤有默契予曾師事之終不得其奧翁列數椽於市廛曲逕癯潔

### 潛江縣志

#### 卷十八

人物志  
方伎傳

#### 三十四

窈窕不卽竟盆魚怪石錯置階砌令人泠然馭風翻思段干木田子方之爲隘也翁以杖朝之年舉手謝世人郎君枝蕃過我東浦携翁與名公鉅賢往來手蹟一冊索予題詞爰濡墨而書於左

### 緇黃傳

儒者守先聖之訓而必斥二氏爲異端遂使艱深刻苦之蹟高奇鴻遠之義概謂不足道詎可以服學二氏者之心而免黨同伐異之誚乎此遊於方之外者固未可以常理思議耳邑無仙釋於毳衲羽衣中得

二人焉作緇黃傳

釋戒敦

戒敦號通如少武斷爲鄉里所惡一日翻然自痛遂投大佛寺爲僧得戒於華山昧公得法於南嶽無學大師歸下河東建法雲律院造請佛像於金陵一木一石皆其手營不數載而成莊嚴精舍迎昧公講演毘尼度千有餘眾亦畸人也

康熙癸丑法雲律院毀於水其弟子常維號摩雲移建於故址稍西

楊洞林

楊洞林壯歲棄家及孥游四方居太湖包山數十年後

潛江縣志

卷十八

人物志  
緇黃傳

三十五

歸里獨處道院中罕識其面年八十二猶日纂錄丹書數千言所善劉翁年九十沈翁年八十俱有少容其底蘊未可廷測也洞林匡坐簡默偶有言輒侃侃多痛世語人所不堪者笥中藏草書一幅出示人曰此自尾倒書至首者曾遇其人不知姓氏作書但署雪槎云